



Briavan von Vorsitar von 13 von prachant 2024

<i>Briaf nummar</i>	<i>Ma redet vo:</i>	<i>'Z izta khent auzgemacht</i>
18	Inntoaln pinn Toalkamòu von Lagarina Tal in offege roatordnung von sèlln boma mage machan konventziongen innzovüara di laüt aftna arbat un bia dar Sotzial Dienst mochtz vürtrang.	1. Innzotoala vor di nützar von Toalkamòu vodar Zimbar Hoachebene o in offege roatordnung augelekk von Toalkamòu von Lagarina Tal, von sèlln boda opfarn in dienst innzpvüara di laüt aftna arbat, un darzuar biavl z'zala dise struktùrn vor in dienst boma sait drå zo reda; 2. Åzonemma in offege roatordnung von sèlln boda opfarn in dienst khött aftn punkt 1, pitt disan makma machan konventziongen vor prodjèkte innzovüara di laüt aftna arbat un skèm vodar konventziong, da gekhluppet boda iz in gântzan toal vo disan dekrèt, un boda mocht khemmen untarschribet pinn sèlln boda sa soin gemeldet in offege roatordnung; 3. Zo khöda ke innschraimse in roatordnung un dena untarschraim di konventziong pinn sèll boda opfart in dienst gitt khumman zbing vor in Toalkamòu vor bazta ågeat in nummar von hilfan gemacht odor auzzala, odor åndarz;

		4. Zo khöda, azpe djeneräl dirèktif zo traga vür daz sell boda auzmacht disar provedimént, nâ in sell boda iz geschribet in vorbort, ke di hilfan innzovüara di laüt aftna arbat, übarhaup bazta tarft khemmen getânt pellar – pratika un khemmen inngenump in di firme – khemmen z'sbera gântz aftn Toalkamòu ma nicht mearar baz daz halbe von sell boda iz z'zala vor in mângl boda iz khent geschètzt von Sotziäl Dianst von Toalkamòu nâ in livèlln standard boda soìn khent darkhennt von Sotziäl Dianst sèlbart; 5. Zo khöda ke dar roatordnung un di redjistre varlérn vor di zait boda iz khent auzgemacht in meldung asó azpe da khint khött in vorbort; 6. Zo lazza az saibe dar vüarar von Sotziäl Dianst zo tüana allz daz sell boda iz mângl nâ in sell boda auzmacht disar dekrèt;
19	Änemmen ke 'z izta khent untarschribet dar akòrd vor bazta ågeat 'z gèlt vor di drai djar kontraàtt 2022/2024 von ågestèllte von kompart lånt autonomian – area nèt diridjentziäl, zuargem bazta iz khent auzgemacht in mearar, untarschribet atz 30.04.2024.	1. Zo khöda, ke vor allz daz sell boda khint khött pezzar in vorbort, atz 30 von abrèl 2024 izta khent untarschribet verte, zbisnen in provintziäl Åmt vor di kontrakte (APRAN) un di vortretar von sindakètt, dar akòrd vor bazta ågeat 'z gèlt vor di drai djar 2022-2024 vor di ågestèllte von Kompàrt lånt autonomian - area nèt diridjentziäl. Zuargem bazta ågeat in ågestèllte asó azpe in di khlupm A) “Akòrd CCPL 2022-2024 area nèt diirdjentziäl, B) “Tabéla vor di straordinarie 01.01.2024”, boda spin in gântzan toal vo disarn delibera; 2. Zo khöda ke daz sell boda bart khemmen auzgezalt in mearar in ågestèllte nâ in akòrd bart åhevan von 01.01.2024; 3. Zo khöda ke ma bart bèksln in bilåntz vor mearare djar, pittnar delibera von Pürgermaistar Rat von Toalkamòu untarzolega 'z gèlt boda bart soìn mângl nâ in sell boma bart zaln di ågestèllte;